

K29-51

中國方志叢書·華北地方·第三三二號

據

清 · 黃泳 第 纂 修
乾隆六年刊本

影印

甘肅省

成縣新志

(一)

成文出版社有限公司印行

新纂直隸階州成縣志敘

古者太史採風輶軒而貢之天子凡以紀列國之風土人物山川顯當時而留奕禩非僅以侈版圖之廣也我

國家重熙累洽車書文物訖然大

同頃者一統皇輿諸志次第告
成自是六合內外風土人物山
川搜括殆盡披帙可稽當無復
有不純不備以待踵增者第其
間有地屬偏隅典籍無徵或一
時志焉未詳者將補闕拾遺修

明之任責在後人如成邑舊屬
鞏昌新隸階州其山川人物風
土稱勝隴右乃邑志明季燬於
兵燹爾時邑令謝公於殘缺中
訂成新志典故實賴以存我

朝定鼎百年而志無成書向修省

志時聞當事者率倉卒應採訪
紀載不無簡略戊午秋余奉

簡命來宰是邑適調任霖蒼吳

公手志稿一編授余曰此浩蒞
成數年中草創者以山川古蹟
建置沿革未經核証而藝文一

帙散失遺亡罔或哀擇維公其

續成之年來歲收歉薄

泳

方謀

所以調息補救之不遑安事鉛

槧歲辛酉秋成頗豐因於簿書

之暇取吳公所貽者而加考訂

更得邑選貢汪君于雍出明季

成宰謝公所輯舊本及家藏藝

文以備採擇余乃屬同懷兄

浦

弟

瑞鶴

偕邑紳士考據編輯閱

數月告成嗣以授梓是舉也斟

酌原本而義例則加精詳其中

援古以訂疑履地以稽信與夫

事蹟之隨地振興因時修補以
及屯里之歸併賦役之加添忠
孝節義之搜輯鄉選國學之接
踵者悉得而增紀焉用以補一
代之闕而使偏隅之山川風土
人物顯當時而留奕禩也若曰

勒爲成書以純且備者爲太史
氏之採焉是非余之所敢望也
矣

肯

大清乾隆六年歲次辛酉長至前

一日文林郎辛卯科舉人知

甘肅直隸階州成縣事蜀射
洪黃泳題於官署之敬義堂



爲成書以紀且備者爲大史
之採焉是非余之所敢望也



甘肅直隸州州志
卷之四

纂修成縣志敘

志何爲而作乎紀其實也紀實
而必於志者蓋以邑之山川風
景文物政教與夫忠孝義節因
革損益悉舉而筆之書故曰紀
實也紀實若何有人以地顯生

於斯長於斯功名垂竹帛事業
炳天壤者致可紀也有政治卓
然聲施顯赫其邑之紳士庶人
歌功頌德於弗衰者有捍衛民
生世旌忠德身雖非其所產功
實被乎奕禩華表榮之珥筆載

之有秉五行之秀鍾川嶽之靈
節烈孝義懿行芳規昭昭在人
者其他寄跡烟霞坦懷泉石風
雲繪於尺牘題詠列於巉巖遺
跡具在可攷而紀也至於賦役
之重物產之微大不遺而細必

錄亦孰非所當紀者哉成雖叢
爾踞山河之首得風土之淳自
郡縣以來其事蹟固有紀不勝
紀者奈疊遭兵火舊志焚燬無
存明崇禎間縣令謝公鏞雖刻
有新志然以殘破之餘加擾攘

之際倉卒成就未免略而不詳
訛而鮮當考古者率多不純不
備之憾我

朝定鼎百年化成久道而邑志迄
無成書戊午秋吾懷弟泳奉

簡命來宰是邑受事後適調任

吳公以志稿授弟弟以政務倥
偬未暇輯校今冬屬沛與弟瑞
鶴曰此吳公所手付者唯吾兄
與弟其卒成之沛兄弟自維謏
謏慮弗克勝廼偕邑紳士汪君
昆仲於古蹟之有關於成者不